

Багъчуд дунд кӧдлмш ясрулхмн

Юстинск района „Северный“ совхозин эклц комсомольск организацин зергланд 56 багъчуд негдсн баанӓ. Совхозд багъчуд ик олн. Тегӓд комсомольцнр болн багъчуд дунд политическ сургъмджин кӧдлмш ӧргӓр делгрӱлдж, телнӓ чидл-кучинь производственн тӧрмӱд кӱцӓлгънӱр тусхахд йилгъӱ оньг тавгдх зӧвтӓ.

Совхозин эклц комсомольск организацин ӧдгӓ цагин кӧдлмшин кирцӓгъинь авал хӓлӓхлӓ, тер неквриг кӱцӓхӓс хол тату йовна. Комсомольцнр болн багъчуд дунд кеглдж йовх кӧдлмш ик сул. Комсомольск хург хая-хая болна, шинӓс совхозд ирдж кӧдлджӓх кесг комсомольцнр тоод авгдад уга баанӓ. Багъчудас комсомолин

зергланд орулдж авхин тускар тӧрӱц кӧдлмш кеглджӓхш.

Совхозд ода ӧвс халлгъна, тӓрӓ хуралгъна кӧдлмш делгӱ кеглдж йовна. Болв комсомольцнр энӱнд тӱрӱн нӱӱрт йовх зӧвтӓ ӱлмӓгъан ода чигн эзлӓд уга, дӧрлӓднд орлцлгънъ тату, шунмӓгъанъ сул.

Эклц комсомольск организацин сеглатр ӱр Т. Байбарова комсомольцнран иткӓд, лаалгъсн кӧдлмшӓн хоомагъар кӱцӓдж йовна. комсомольцнриг болн багъчудиг негдӱллж, сӓӓнӓр гардлж чалдж баӓхш. ВЛКСМ-н Юстинск района комитет ӱр Байбаровад йоста гардвр. дӧнъгӓн кӱргдж, эн организацин кӧдлмшиг унъ-гарнъ ясрулх зӧвтӓ.

БАДМИН Николай.